



Inatsisartut suleriaasiat § 37 naapertorlugu Naalackersuisunut imaattumik apeqquteqarpunga:

**Naalackersuisunut Apeqqut:**

1. 1. juli 2010-mi oqaatsinut politikki atuutilerpoq, inatsimmilu kap. 5-mi allassimavoq suliffeqarfiit kingusinnerpaamik 1. oktober 2010-mi politikkertik naammassereersimassagaat. Suliffeqarfiit qassit maannamut piumasagaat naapertorlugu politikkiminnit nakkutilliisussaasunut nassiussisimappat?
2. Politikkimik naammassinnissimangitsut inatsit naapertorlugu pineqaatissinneqarsinnaasutut aaliangersagaqarpoq, tamannalu akiliisitsineq qanoq aqqissuussaava qanorlu annertutigaa?
3. Maannamut akiliisitsisoqarsimava?
4. Oqaatsinut politikkip atuutilerneranit maannamut malinneqarnera/ malinneqannginnera Naalackersuisunit qanoq nalilerneqarpa?

Tunngavilersuut:

Namminersornerup eqqunneqarneranit kalaallisut oqaatsivut tassaalerput oqaatsit pisortatigoortut. Oqaatsinut politikkip inatsisartuni suliarinerani amingaateqartutut oqaatigisarpaput, isumaqaratta oqaatsinut politikki tassaassasoq inuiaqatigiinnut katersuuffiusoq, ilinniarumassuseqarfiusoq, kajumissaarisooq aammalu oqaatsit ataqqinartumik atugassaqartitsisut politikkipi ersarissarneqassasut.

Kisiannili naalackersuisooqatigiit pingaartinnerusimavaat oqaatsinut politikkip malinneqanngippat pineqaatissiinerit akiliisitsinerillu aallaaviussasut. Maanna paaserusuppara ilumut oqaatsinik politikki suliffeqarfinit malinneqarnerisooq aammalu Naalackersuisut isumaqarnerisut inatsit malinneqarluni pissusissamisoortumik ingerlatsisoqartoq.

Kissaatigaara apeqqutima ullut suliffiusut qulit qaangiutsinnagit akereerneqarsimassasoq.

Ikinngutinnerisumik inuulluaqqusillunga

Aleqa Hammond  
Siumut